



UNIVERSITÄTS-  
BIBLIOTHEK  
PADERBORN

## Universitätsbibliothek Paderborn

### **Aqvæ Vitæ, De Fontibvs Salvatoris. hoc est, Doctrina Evangelica De Meditatione mortis**

**Kispenning, Henricus**

**Antverpiæ, 1583**

Exercitium, quo ægrotus suspiriis & gemitibus (qua[n]do aliud non potest)  
Deo se resignet &c. xij.

[urn:nbn:de:hbz:466:1-46214](https://nbn-resolving.org/urn:nbn:de:hbz:466:1-46214)

sed cum apud te sit misericordia & copiosa redemptio,  
non spernas deprecationem pauperis: ad te velut agro-  
tus ad medicum suspiro, misericordiam implorans, ac  
pro peccatis veniam postulans. Sana me Domine, & sa-  
nabor. Serua hac pacta, quae promissisti, inuiolata. Dixi-  
sti enim: Ecce dies veniunt, & seruiam domui Israel &  
domui Iuda foedus nouum: PROPITIABOR INIQVITA-  
TI EORVM, & PECCATI EORVM NON MEMORA-  
BOR AMPLIUS. Exaudi poenitentem: quem ut res-  
piceret, misericorditer expectasti. Ne intres in iudi-  
cium cum seruo tuo: sed de morte fac transire ad im-  
mortalitatis gloriam. Per Iesum Christum filium tuum  
D. N. Amen.

Exercitium, quo aegrotus suspiriis & gemitibus  
(quando aliud vix potest) Deo se resignet, at-  
que ut eidem coniungatur, feruenter desideret.  
Auctore Ioan. Lantspergio Carthuf.

**O** Amator fidelissime, misericordissime Domine Ie- **CAPVT**  
su Christe, da mihi vt ex corde & animo sentiam **XII.**  
quod dico: Quemadmodum desiderat cervinus ad fontes **Pfal. 41.**  
aquarum: ita desiderat anima mea ad te Deus. Elegi **Pfal. 83.**  
tabernaculis peccatorum. Beati qui habitant in domo **Pfal. 41.**  
tua Domine: in secula seculorum laudabunt te. Sitinit  
anima mea ad te Deus: quando veniam & apparebo  
ante faciem tuam? Quare tristis es anima mea, & quare  
conturbas me? Spera in Deo, quoniam adhuc confitebor  
tibi: salutare vultus mei & Deus meus. **Pfal. 30.**  
Illustra faciem tuam super seruum tuum: saluum me  
fac in misericordia tua. Domine non confundar, quo-  
niam inuocaui te. Deus ne elongeris a me: Deus meus **Pfal. 70.**  
auxilium meum respice. Tibi derelictus est pauper:  
orphano

Pfal. 9.  
Pfal. 31.

Pfal. 137.  
Pfal. 30.

Pfal. 26.

orphano tu eris adiutor. Tu es refugium meum à tribulatione qua circumdedit me: exultatio mea, erue me à circumdantibus me. Intende in adiutorium meum, Domine Deus salutis meae. Quoniam fortitudo mea, & refugium meum es tu: adiutor meus & protector meus. Ne igitur derelinquas me: neque despicias me Deus salutis meus.

Pfal. 32. 118.  
Ezech. 18. 33

Ecce venio ad te, quæ despexi & offendi, Deus meus: quia misericordia tua plena est omnis terra. Ad misericordissimum igitur te Patrem confugio. Suscipe me secundum eloquium tuum, (quo dicit: Nolo mortem peccatoris) & vitam: & nō confundas me ab expectatione mea.

Pro vita mea temporali non rogo Deus meus: sed te, qui es Vita aeterna, in animā meā inuoco. Heu Domine Deus, quod unquam te offendi: quod tuas inspirationes & monita neglexi: quod unquam aliud præter te, aut extra te amavi: pro hoc doleo Dñe Deus. Atq. utinam des mihi, ut ex toto corde meo doleam: & luceā per omnia momenta vite meae. Utinam omnes sanguinis mei guttas cum lachrymis præ dolore & amore in suavissimum cor tuum tibi fundere & offerre possim.

Matt. 20.

Dulcis Iesu, neque vitam neque mortem, sed tuum beneplacitum desidero & expecto: fiat mihi secundum voluntatem tuam. Si vis ut moriar, dulcis Iesu, suscipe spiritum meum: & licet ad vesperam venerim, omnium nouissimus, da mihi ut tecum, et in te, requiem accipiam sempiternam. Si verò vis ut diutius vitam, dulcis Iesu, hoc propono, & pro hoc gratia tua suffragium rogo, reliquā vitam meam corrigere, atq. in holocaustū tibi totū offerre, in gloriam tuam, & secundū beneplacitū tuum.

O desiderabilissime Iesu, quia vitam meam in peccatis consumpsi, ad contumeliam nominis tui gloriosi, nec tibi hæcenus seruire cœpi: da mihi, ut vel nunc perfecte incipiam.

incipiam: & omnes vires anime & corporis mei, omne-  
que residuum tempus mihi abs te concedendum, in glo-  
riam & secundum optimam ac perfectissimam volunta-  
tem tuam expendam.

Misericordissime Iesu, adesto mihi propitius in his  
pœnis ac miseriis, quibus teneor: & si quæ grauiorē su-  
per me venerint, quia grauiora & grauiuscula comme-  
rui peccatis meis: fac ut patientissimè tolerem. Dulcis  
Iesu, si nihil unquam deliquissem, aut nihil mali apud  
te commissem, nihilominus ad gloriā tuam, & in  
tui amorem ac beneplacitum, in has et in quaslibet alias  
pœnas me tibi pro tua voluntate offero atq. resigno: non  
in mea virtute, sed in misericordiarum tuarum multi-  
tudinē, quibus innitor, & quas inuoco: ut fragilitatem  
carnis mee pusillanimitatēque spiritus mei tua virtu-  
te erigas, longanimitate confortes, ac patientia robores:  
ut nulla aduersitate aut tentatione victus succumbam,  
nulla pusillanimitate deficiam: sed amoris tui incendio  
absorptus, ad te solum suspirē, ad te sitienti corde anhe-  
lem, te solum cogitem, te solum desiderem: & mundum  
cum vniuersis quæ in eo sunt relinquam, fastidiam &  
contemnam. Tibi verò pro omnibus, & latis & tristi-  
bus, ex toto corde gratias agam. Amen.

MEDITATIONES. IN PASSIO-  
NEM D. N. IESU CHRISTI, EX S.  
Scripturæ, & S. Patrum sententiis contextæ: cum  
adiunctis Precatiunculis, ad iuuandum ægro-  
tum accommodatis.

DE TRISTITIA ET PAVORE CHRISTI,  
IN HORTO EXISTENTIS.

Ethymno dicto, egressus est Iesus cum discipulis  
suis trans torrentem Cedron: & venit in villam  
quæ